

欽定剿平三省邪匪方略

欽定剿平三省邪匪方略正編卷五

丙辰年

三月十七日

癸亥

畢沅奏言當陽賊匪連日以來

副都統成德總兵阿克棟阿黃瑞道員高杞舒
永阿等帶領將備悉力在城外攻打茲於初十
日午刻將東門迤南城牆打開丈餘官兵鄉勇
奮迅直前卽欲從缺口衝入賊匪見城牆打開
齊聲吶喊頃刻間糾集精壯匪徒二三千人各

執器械並有鳥鎗木礮卽從缺口中衝出拚命
撾鋒勢極洶湧我兵一面站牆一面鎗箭並發
遙見賊隊首係一逆僧口念咒語手持白旗率
領衆賊冒火衝烟直奔我陣適遊擊烏爾卿額
什圖帶領鄉勇從左衝出防禦忠柱守備羅大
炳從右衝出三面截住鎗斃刀砍一百餘人逆
僧蛇伏於地避過鎗礮仍復飛奔直撲營盤先

經安設大礮俟其將近時高杞等親自督護照
淮開放正中逆僧之首應聲撲倒所執白旗及
在前賊衆二百餘人悉爲灰燼割獲首級五十
餘顆衆匪見前隊已敗紛紛奪路而逸竄入城
內我兵正在乘勝追逐間忽見北城烟焰蔽天
有賊匪一二千人開門湧出我兵復回迎擊賊
匪潛由北門陸續添助希冀牽制我兵自未至

酉相持三時之久殺賊甚多而逆匪已將缺口
處所亟用亂石壘成卡座城上火彈磚石亂下
如雨其北門之賊亦卽鼠竄入城抵死抗拒所
斃逆僧鄉勇指識爲當陽大頭目名喚心愿素
日善打鐵彈係助逆渠魁最爲兇惡此次賊人
中狠悍逆匪殺斃不少實足以視逆膽而快人
心惟圍城官兵統計溺漢八百六十四名稍形

單薄續調之河南兵一千名已分援南漳穀城

等處興漢鎮標兵一千名接准陝西撫

臣

秦承

恩咨會現赴竹谿竹山應援其西安兵一千名

從龍駒寨徑赴襄陽尙在途次粵西兵頭起五

百名已抵荊州

臣

卽令前赴當陽協同該處兵

勇趁賊人惶懼之時儘力攻擊以期掃除一處

移師再援一處不致因兵分見單墮賊人牽制

奸謀其餘粵兵因惠齡深冲口軍營正關萬緊

而臣前撥往豫兵五百名尙在荊門一帶已飭

截回襄陽交與舒亮酌量派撥卽將此項續來

粵西兵一千五百名飛傳速赴枝江剿賊再襄

陽屬之南漳逼近保康近有匪徒滋擾臣札會

舒亮就近策應旋經兩次飭撥南陽兵四百名

督率翼長富廉前往應援茲據該翼長並南漳

令李芸經稟報初七日丑刻賊人蜂擁而來直至城根經富廉等鼓勵兵勇鎗礮齊發矢石並下殺死賊匪入百餘名並騎馬賊目五名奪獲器械刀子無數南漳之圍已經解散等語

臣現

飭令乘此勝勢掃除伏匪再圖直趨保康又襄陽府知府胡齊崙督同署襄陽縣施南同知張蓉於旬日內拏獲城內外書役奸細正法二百

數十名又搜捕附近數處賊匪甚多鄖陽府知府王正常同在鄖之漢陽同知張璿於初三日在城外巡哨見坡下匿賊百餘人該府縣等親督兵勇鎗斃六十餘名生擒五名訊係謀逆卽行正法又光化縣知縣孫錫於二月二十三月初六等日拏獲內應奸細叛黨四十八名訊明正法此外荆宜等屬因鄉勇同仇人自爲戰六

府一州斬馘不下一二萬人蓋奸徒狂逞固屬
自取誅夷而紳士耆民感激

朝廷百數十年休養生息

湛恩遇此克殘乘虛蠢動無不義切於衷誓圖掃滅
重以欽承

恩旨准給口糧

臣

敬謹膾黃廣宣

德意咸各奮興踴躍遠近齊心

同日秦承恩奏言據文圖報知連日密差弁兵帶領鄉勇跟尋逃匪蹤跡俱零星潛匿山崖之內隨分路痛加剿殺將蜡玉河逃匪五百餘名全行誅滅初五日探知羊角山一帶有賊首羅進燒搶滋事文圖卽同署都司蘇光生帶領兵丁於初六日黎明由清吉溝小路渡河前抵羊角山會齊見有賊匪約一千餘名佔踞山頂用

紅布包頭混作鄉勇我兵識破分爲兩路帶同
武生王萬年及各鄉勇一齊擁上賊匪併力抗
拒官兵鎗箭齊發殺死賊匪一百四十餘名鄉
勇殺賊三十餘名餘匪逃竄我兵追至雙竹園
文圖先已知會彼處鄉勇截住後路殺死賊匪
大半賊首羅進受傷同子羅成岱羅成岳羅成
崖躲避坎下民房武生王萬年探知帶同伊本

家鄉勇十數名黑夜撲進一齊砍殺割獲首級
送至大營懸掛示衆初七日復搜獲老幼男婦
全行正法賊巢槩行燒燬現在文圖連次殺賊
鼓勵鄉勇布置雖俱妥協而前途小路深雜必
藉應援軍威更壯今將軍恒瑞已於本月初七
日路過西安一切機宜俱與密商計兩三日內
卽可行抵竹谿與文圖會合均奏入

上命軍機大臣傳諭畢沅惠齡秦承恩曰此次畢沅
與成德阿克棟阿董率弁兵悉力攻打將助惡逆
僧心愿及在前賊衆數百人盡數殲斃實屬出力
可嘉但該處東門迤南業經官兵打破正可乘勝
直入乃賊匪轉於北門佯作逃竄之狀牽掣官兵
仍於東門缺口處所壘卡抗拒狡詭已極畢沅等
何不遵照前旨或聲東擊西或用雲梯等項縋城

而上乃徒事礮攻致賊嬰城死守而又中賊詐竄
之計俾得修整缺口未免失策再當陽縣城失事
時賊匪糾衆猝至存城兵丁無多該縣黃仁被害
固難再責以失陷城池之罪而城內百姓現往何
處如係聞賊陷城先行逃避或被賊害則已倘有
甘心從賊爲之守城將來事竣後查明均不可寬
縱其與賊勾結之書役捕快人等尤當嚴辦不憚

此等烏合匪徒糾集一處實屬自投死路現在各路斬馘之賊已不下一二萬人匪徒等自作之孽甘取駢誅亦不能爲之姑息也畢沅及成德文圖黃瑞富廉烏爾卿額什圖忠柱蘇光生羅大炳著各賞大小荷包阿克棟阿高杞舒永阿均著賞戴花翎文圖已交軍機處記名遇有總兵缺出卽行陞用知府胡齊崙王正常遇有道員缺出卽行陞

用同知張璿遇有知府缺出陞用知縣孫錫李芸
經著交該督等遇有應陞缺出陞用以示鼓勵武
生王萬年親率鄉勇殺斃賊首父子多人尤爲出
力著賞給守備銜如果始終奮勉卽當補用實缺
其紳士等著該督撫先行酌賞頂戴鄉勇人等遵
照前旨賞以鹽菜口糧現在鄖陽一路文圖帶兵
剿捕卽日永保恒瑞到彼會合軍威更爲壯盛保

康等處亦有舒亮富庶分投辦理而粵西續調官
兵二千又由湖南就近撥往足資分撥協剿之用
目下當陽一路存城賊匪勢已衰竭而深冲口一
帶賊人糧路已絕據畢沅奏將後起粵西兵一千
五百名全行撥往分路進攻畢沅惠齡皆當倍加
奮勉將張正謨劉盛鳴劉盛才及當陽城內主謀
賊首設法生擒其餘黨自必望風潰散

十九日

乙丑

宜綿奏言

臣

於本月初六日行抵商

州連日悉心訪察緣湖北匪徒滋事該州及所

屬四縣楚民寄居者頗多土著百姓未免心生

疑畏

臣

當將大兵雲集逆首聶傑人已就生擒

餘黨尅期殄滅等情大張曉諭並將各隘口添

派弁兵嚴行防範現在民心已安至

臣

前奏派

赴荊州之兵一千名業已分起到商查卹屬之

竹谿縣在漢江以南鄖郡在漢江以北相隔三百餘里恐兵力不能兼顧且枝江首逆已擒此時荆郡需兵似較鄖陽稍緩

臣

當將赴荆之兵

飭令取道鄖陽以資援應再由漢江順赴荊州似爲得力旋又探聞鄖西鄖縣地方均有邪教聚衆被鄉勇格殺多人是漢江北岸亦有賊匪滋擾不可不早爲撲滅

臣

不敢稍分畛域僅以

守界塞責前曾預調固原提標兵一千名以備
派撥現在飛檄飭催一俟到商臣卽令副將百
祥帶兵五百名前往剿捕臣在商南一帶留兵
五百名相機策應奏入

上命軍機大臣傳諭恒瑞畢沅惠齡曰宜綿奏探聞
鄖西鄖縣均有邪教聚衆被鄉勇格殺多人之事
何以未據畢沅惠齡奏聞想該督撫現在枝江當

陽一帶距鄖西稍遠尙未得信前據惠齡奏賊人糧食無多現復斷其接濟之路昨又據畢沅奏將粵西後起一千五百名撥往惠齡軍營該處得此新到之兵軍威壯盛分投進剿諒張正謨劉盛鳴劉盛才各犯無難一鼓成擒何以數日未據續奏而畢沅剿辦當陽賊匪不知設法進攻僅用礮轟已屬拙計乃該處東門迤南甫經打一缺口正應

從此乘虛直入卽使賊人欲從北門逃竄該督所帶官兵八百餘名又有鄉勇人等爲數諒復不少亦當分帶兵勇前往北門堵截殲擒仍酌留兵勇於東門防範使賊不能修砌況堵築缺口至速亦需半日豈俄頃所能集事前諭令該督當聲東擊西爲誘賊攻取之計不意該督未能以此制賊而轉墮賊匪奸計殊爲失策究竟此時當陽縣城於

賊人修劄後曾否又復轟坍抑或另用他法進取之處該督務當上緊籌辦勿再延緩又恒瑞於初七日前抵興安卽赴竹谿與文圖合剿此時自己早到何亦未見奏聞著冉傳諭恒瑞畢沅惠齡各當分投速辦勿任滋蔓

二十三日_已惠齡奏言_臣因逆匪張正謨等恃

其險阻盤踞窮山飭知各卡員弁嚴加防範如

有賊匪潛出卽行截殺茲據守禦三溪口千總
朱槐護同知徐鳳翔等稟稱十一日午間有賊
匪數百人自山而下欲來奪卡該千總等督率
兵丁鄉勇排列鎗礮守住路口俟其近前卽行
擊打賊匪見有準備仍行退回該員等料其必
當復至因該處有兩路皆可行走隨各帶兵勇
數百人夜間分投埋伏路旁一聞開鎗卽行接

應殺出以截賊匪歸路候至十三日辰刻果見
賊匪驅有馬騾口袋由朱槐一路蟻附而來該
員帶同外委趙朝珍並兵勇等上前迎擊賊匪
各執器械肆行衝突當被朱槐殺死一人鎗箭
齊發賊匪見官兵人少抵死不退適徐鳳翔已
帶領生員張天培及兵勇等自後衝出賊匪驚
失措首尾不能相顧四散奔逃兵勇等乘勢

追上殺斃一百餘人餘賊捨命奪路向山內逃
去生擒王科一名訊明習教從逆是日同王青
煥三百餘人下山欲往甘子園搶糧不虞被獲
王青煥已被官兵殺死該犯受傷垂斃當卽梟
示查得奪獲騾馬七匹刀械四十餘件割獲首
級十三顆現仍加意堵禦不使匪徒竄逸其施
南宜昌二府屬州縣接據稟報禦賊情形各有

斬獲至下游武漢黃德四府屬臣已嚴飭各在

要隘設卡巡查以防逸匪竄入再賊匪滋擾

各村莊詭計百端或遣其黨與混於難民之內

潛入城中暗作內應不可不防臣已飛飭各府

州縣凡有外來難民務須問明來歷如有親戚

可以投者卽量爲資送前往並給與照票以免

沿途盤詰其實係無業窮民察看年力尙壯堪

任力作之勞卽口大兵雲集一切軍裝火藥需
夫擡送卽給與工價充當夫役庶使口食有資
不致別滋事故其餘老幼男女人等於城外空
潤處所搭蓋棚廠好爲安頓並按照災賑定例
每日酌給口糧毋令凍餒一俟事竣卽遣送各
歸鄉土俾無失所至各州縣鄉勇守禦多或七
八千人少亦有二三千人內除富室紳衿情願

捐貲僱募外其餘皆係該州縣等臨時招集仰
奉

聖恩如有實在出力殺賊之鄉勇卽照兵丁之例賞

給口糧鹽菜

臣

現敬謹謄黃曉諭俾各鄉勇益

加踴躍並隨時察看如實係分外出力者酌與
七八品頂戴果能始終不懈再行奏明補用奏
入

上命軍機大臣傳諭惠齡曰此次惠齡並未督兵前進直搗賊巢不過據各處稟報之詞敷衍具奏該撫在彼駐劄爲時已久賊首迄未就獲竟屬毫無展布與賊日久相持況前據奏賊匪糧食無多不久即可食盡今又閱多日賊匪糧食復從何處接濟惠齡卽不能進剿巢穴豈設法斷其糧食亦有所不能耶

同日景安奏言查襄陽之魚山地方聚集賊匪

甚多

臣

昨接舒亮來信已飛札署南陽鎮撥明

帶兵三百名前赴樊城臨江劄營使賊匪不敢

窺伺襄郡復於省城滿營兵內酌調四百名前

來策應惟南陽與襄陽境壤毗連在在緊要

臣

所調之兵分派各處堵緝尙覺地廣兵單

臣標

各營無可再撥惟有滿營兵九百名今復調四

百名省垣重地亦覺兵少查河標向有操兵濟寧距開封不遠現在河臣李奉翰因防汛來豫

臣與往返札商於此項兵內抽調五百名就近

移駐開封省城並囑河臣閱工後卽暫駐省城

彈壓惟是臣揣度情形襄陽一帶匪徒滋蔓倘

畢沅處兵力不敷分剿現在豫省各營無可再

撥合無仰懇

皇上天恩

勅諭山東撫臣玉德將兗州鎮營酌調兵一千名前
赴襄陽協力剿捕以期賊氛早靖奏入

上從之

二十五日辛未畢沅奏言本月十三日當陽縣西

香爐山雙梁子地方有遠安賊衆三百餘人潛
來分擾當被鄉勇突出全行截殺又同日縣之

東北各鄉有賊入百餘人假充鄉勇成隊前進
經鄉勇認明圍逼河邊悉數殲戮又於十三四
等日離城四五十里之魚溪河夾洲子張家場
黃腦沖胡家場孫家場等處均有賊匪或數百
人或數十人亦被鄉勇奮力迎殲又十三日偵
知離城六十里墨匣溪地方潛集教匪甚多正
在糾約起事希圖牽掣官兵救應當陽賊匪卽

密派弁兵鄉勇猝至該處乘夜圍裏匪衆抵死
出拒當卽鎗礮擊斃戮八百餘人生擒九人
奪獲旗械無算訊據獲犯供稱城內賊衆所望
各路救援惟墨匣溪一枝堪以得力今被殺盡
逆賊外援旣絕官兵正可專意力攻連日各將
士統率兵勇奮力攻擊但城小而堅且據擊獲
奸細僉供城內賊衆驍悍者竟有四五千人每

日更番上城堅守又將城垛砌齊隱蔽鎗箭一
經官兵鄉勇騰身直上卽將火彈磚石自上拋
擊亂落如雨是以圍攻半月之久未卽殲除日
來賊衆被圍已久外援斷絕訊知食鹽垂盡井
水將枯必將乘機突竄以爲苟延殘喘之計正
可於要隘設伏缺圍一處誘令奔出邀截殲除
因查縣境緊接遠安西通宜昌賊勢窮蹙自必

由此路遁逃現已密於各隘並長坂坡玉泉寺
等處派撥兵勇設伏以待又於東南北三面營
卡環列大小礮位以防衝突仍趕緊多造雲梯
土袋一伺機有可乘立即策勵將弁兵勇飛騰
攻擊再各屬官兵鄉勇齊心合力屢報捷音二
等侍衛舒亮督同巴圖魯六達色等帶領兵勇
於三月初三日在襄陽王家集等處會剿賊首

孫應元等三百餘人生擒王開俊等十八名又
於三月初八日在襄陽縣屬之劉家集堵賊打
仗舒亮身先士卒人人効命殺賊甚多生擒首
夥朱正英等三十二名舒亮曾任荊州將軍熟
練軍旅臣已調來當陽統領剿務至襄陽尙有
搜捕餘匪之事需兵亦甚緊要茲三等侍衛鄂
輝奉

命馳抵當陽查鄂輝曾任總督屢經出師曉暢戎事

臣

卽令其星夜赴襄統領陝豫及本省存營各

官兵將附近襄屬之賊趕緊搜殲肅清肘腋之
患當陽一破卽可令帶兵由南漳保康一路隨
剿隨進迎會西安將軍恒瑞等夾攻合剿

同日秦承恩奏言將軍恒瑞等於三月十五日
申刻分路前抵竹山縣城賊匪恃衆出城拚死

抗拒經恒瑞督率將弁極力攻打鎗礮轟擊竟
夜十六日已刻已將竹山縣城收復鎗斃賊人
無數生擒正法及追急落水淹斃者不下二二三
千人刻下正在搜洗遺匪可期指日淨盡均奏
入

上諭內閣曰舒亮前在黑龍江將軍任內用賤價收
買貂皮固有應得之咎但念其相沿陋習並非起

自伊任與飢法婪贓者究屬有間鄂輝在四川將
軍總督任內於已忠辦理已勒布一事錯謬之處
隨同附和而於廓爾喀呈進表貢復延擱不辦實
屬乖謬但亦無別項婪索劣蹟昨因湖北荆襄一
帶匪徒滋擾特賞舒亮鄂輝三等侍衛職銜令其
馳赴軍營帶兵効力伊二人自抵軍營後尙屬奮
勉舒亮鄂輝俱着加恩賞給頭等待衛協同剿捕

恒瑞帶領滿漢各兵到竹山後卽將縣治賊匪剿除廓清實爲奮勉可嘉恒瑞著交部先行議敘所有殺賊出力官弁均著查明咨部議敘

同日汪新奏言現准部咨已撥安徽省銀五十萬兩解荆備貯計卽日解到自可接濟應用惟米糧軍火二項必須及早預籌寬爲備辦查北省剿匪需用官兵鄉勇難民口糧米石經飭附

近水次各屬的碾倉穀解荆轉運並又委員分
赴沙市樊城等處採買四五千石存貯荆襄以
備不時之需惟現屆青黃不接之時若再多爲
採辦誠恐時價增昂有妨民食自以仍由各屬
碾穀供支爲便現在分別派碾總以存四運六
爲率庶軍行有濟而倉貯亦不致全虛至軍火
各項因北省營局存貯硝觔鉛藥節次動撥餘

存無幾除先經

奏明於河南省代購淨硝十五萬觔日內解到製

用外

臣

復與督臣會商飛咨江西省借撥火藥

鉛子各十萬觔火繩十萬盤鳥鎗五百桿鳥機
礮三十位河南省借撥火藥子各五萬觔趕解
來楚以期足用無悞

汪新又奏言據荊州府知府崔龍見面稟風聞

潛江監利二縣交界之熊口地方有教首汪學

周張在陽等圖謀不軌

臣

思事未發覺應及早

撲滅以靖亂萌且該處鄉勇衆多正須設法掩

捕並可不煩兵力隨卽密飭附近之龍灣巡檢

王文麟赴該處暗傳紳士鄉勇人等分投撲捕

該匪徒全未知覺當卽生擒教首汪學周張在

陽張在國汪希周汪義順吳之祿何昌周李朝

義李金山及從犯男婦等十五名並於張在陽
家搜獲木印一顆上刻天地交泰字樣併經卷
靈符旗布等物連犯解到訊據汪學周供向與
當陽教匪熟識現因當陽匪眾被官兵圍困商
量起事救應又據沙市巡檢甯崧盤獲當陽奸
役楊在升熊占元熊禮見等三名訊據供稱楊
在升熊占元係該縣皂役熊禮見係該縣壯頭

城內爲首係縣役楊起瑞與熊道成都是棍棒
教師本年二月初間糾合劉玉帶領一千七百
人在宋家嘴燒搶當陽匪衆潛往入夥到處焚
掠二月十五日攻破縣城楊起瑞現稱元帥刑
書王應槐是軍師其餘都有官職城內派人把
守各門共有二三百桿火鎗四五百觔火藥並
製有木礮火彈等物搶奪糧食牛馬尙多因令

該犯等出城探聽官兵消息當被獲解又據通判張紹銘盤獲逆匪梁應常屈廷桂趙太華郭正榜樊大目等五名訊係枝江松滋當陽逆首給與白布黃綾記號隨同放火燒搶遣令來荆探聽虛實於訊明後均卽分別凌遲斬決梟示同日景安奏言據署鄧州牧周璣並守備劉明耀陸續獲犯申維選周添祿周柱劉經黃李林

等五名稟報提解前來當卽訊明申維選周添
祿周柱劉經黃均籍隸光化李林籍隸均州申
維選拜申維廣爲師周添祿與伊子周柱俱拜
趙起才爲師劉經黃拜劉經佩爲師李林拜王
廷章爲師各習邪教傳誦咒語本年二月間申
維選等俱各聽從糾約謀劫村莊州縣旋被各
該州縣官兵鄉勇聞信查拏殺散該犯等各自

奔逃經鄧州兵役先後拏獲審明後卽恭請

王命正法仍督催各屬於隘口嚴密堵緝務使奸徒
不致漏網均奏入報

聞

二十六日

王申

惠齡奏言查逆匪張正謨等在三

溪口一帶往來游奕於白果園對面山上及陳

家湖王母洞等處添設賊卡欲圖牽制官兵

臣

密飭縣丞蔣振萬等帶同兵勇乘夜渡河潛至
彼處拋擲火彈焚燬賊卡燒斃賊黨數十人逆
匪於十八日分遣賊衆向白果園熊渡三溪口
等處直撲而下經蔣振萬帶兵隔河迎擊賊匪
逃至熊渡東岸與該處匪徒會合時熊渡卡員
千總劉春督率兵勇在西岸施放鎗礮截住剿
捕蔣振萬等亦率衆渡河與劉春兩岸攻殺賊

匪紛紛逃逸又三溪口護同知徐鳳翔千總朱槐見賊匪數百人從山梁結隊而下該員等預於山口安放礮位見賊來漸近連放二礮轟斃七八十名賊匪驚惶竄逸

臣

等聽聞賊巢山後

各卡鎗礮之聲卽帶兵分佔山梁互相接應賊匪從王母洞山溝而下向聶家河一帶潛行侍衛關騰副前鋒叅領塔思哈率領官兵二百名

自後追襲

臣

等隨派前鋒校倭什琿都司海秀

守備林朝輔截其歸路該匪等行至聶家河東

岸經卡員前鋒校富保等鎗斃數人適關騰塔

思哈趕到兩面夾攻殺死一百餘人賊匪紛紛

四散又被倭什琿等截殺餘匪攀越山頂逸去

其宜昌等處匪徒亦經文武各官搜捕殆盡

同日孫士毅奏言

臣

現駐苗容山嶺卽係楚境

距來鳳卯峒司巡檢地方祇四十餘里連接該處駐劄文武稟稱來鳳已經失守地方官俱被戕害賊匪又糾合數千前來窺伺卯峒民情惶

惑勢甚緊急

臣

卽刻奏撥官兵二百名親身帶

領前赴楚省卯峒地方堵禦賊人知

臣

親自帶

兵前往聞風退去探得來鳳賊首除王鳴鳳陳啟明外尙有楊禹九余洪信田光甲王學盛譚

安象瞿勝萬凌世會韓之和唐貴陳貴五楊子
敖瞿富添等此外尙有多人該匪等俱自稱教
首誘人入夥每人名下少者七八百人多者三
四千人分布各處燒搶劫掠並偵知該匪等雖
揚言與枝江宜都賊匪同係一教其實各自搶
掠係彼此托名依附卯峒民人見臣隔省帶兵
到彼無不歡欣踴躍藉以壯膽現將帶去兵丁

二百名全數駐劄卯峒隨同該省副將巡檢等
協力防守至苗容爲川省要衝臣仍回駐劄以
便往來照料嚴防賊匪竄入並密行知會惠齡
撥兵截住賊人去路使之無可竄逃更可盡數
殲戮

同日景安奏言據南陽府知府完顏岱面稟偵
知賊匪在襄陽附近之黃龍壩白龍觀峪山一

帶滋擾峪山係襄陽宜城棗陽三縣交界距郡城五十里郡城與樊城鎮止有豫省兵三百名侍衛舒亮又調赴當陽兵力稍單宜城縣多集鄉勇從後面將賊抄殺立斃七八十人併將白龍觀廟宇燒燬賊人又至蕭士冲地方署襄陽縣同知張瑢會同遊擊朱廷荃帶領兵役鄉勇隨同原任副都統烏什哈達從東津灣進剿令

宜城棗陽二縣各集義勇三面夾攻現在豫兵
四百名已撥回襄郡又有署南陽鎮揆明帶兵
駐劄會剿軍容壯盛賊勢已大挫敗查襄陽爲
豫楚門戶而黃龍嘴又逼近新野且路通唐縣
臣已嚴飭揆明臨江策應併飭新野唐縣齊集
鄉勇會同弁兵在各要口堵緝均奏入

上命軍機大臣傳諭孫士毅畢沅惠齡曰前據惠齡

奏賊匪糧石無多不久食盡今又閱多日仍復遷延惠齡實屬無能著傳旨申飭至賊匪張正謨因守山內勢已窮蹙惠齡卽不能將該犯立時拏獲亦應悉力防堵設被乘間竄逸惠齡自思當得何罪耶舒亮到襄陽後業將該處賊匪屢加剿殺正可乘勢掃蕩襄陽附近賊匪乃畢沅復調赴當陽轉派鄂輝前至襄郡現據景安奏襄陽賊匪潛出

滋擾兵力稍單此皆畢沅調度失宜所致該督辦理此事漫無把握亦著傳旨申飭現在舒亮已抵當陽該處賊匪卽責成舒亮上緊幫同畢沅剿辦至孫士毅知會惠齡撥兵截住去路一節惠齡現在深沖口坐待兵力方自顧之不暇焉能又趕來鳳一帶協力夾攻因思文圖前在羊角山剿賊甚爲奮勇著加恩賞戴花翎卽令酌帶兵丁由竹山

一帶取道來鳳沿途遇有賊匪卽可順路殲除以
便會合樊繼祖與孫士毅兩面夾攻更可期得力

二十七日

癸酉

孫士毅奏言

臣

現駐卯峒向該巡

檢沈懷楓面詢路徑賊情據稱各處賊匪雖愈
積愈多半係逼脅不足爲慮惟小劫一處二月

間探有賊匪三四千近聞已有萬餘人其中究

悍居多現聚小劫山頂該匪等因

臣

駐營卯峒

勢必進剿現將山腰道路處處掘斷並將石塊堆積山頂俟我兵進攻用大石壓下爲固守之計臣查卯峒對面本可取徑前抵賊巢相距不過數十里賊人既防臣從此進攻即可借此惑

亂其心查卯峒營盤現共安兵三百名臣令施

放鎗礮日逐操演使賊人知臣決計從此路進

兵不復他顧臣俟後起兵到卽令留在川境並

令臣家人輩乃在卯峒營盤照常伺候使賊匪

偵臣在此駐劄不復生疑臣於夜間密回川境

親自督率將弁帶領官兵一千名從川省境內

繞道行走計程一百八十里不過一日夜可到

小坳背後山梁卽從彼處直撲賊巢賊人不料

我兵舍近走遠且未知臣兵數多少猝不及防

可期集事賊巢一破則各處匪徒自必駭懼解

散來鳳縣治卽可廓清所慮

臣

帶兵共祇一千

五百名除去卯峒三百防後二百其餘一千止

可掩擊賊巢不能分兵攔賊去路雖已知會惠

齡恐相距較遠鞭長莫及頃接永順協副將慶

溥來稟現在龍山來鳳交界殺賊甚多刻下帶

兵在緊要卡隘悉力防堵施南府知府法克晉

亦有令守備帶兵六百餘名前來探信之語

臣

屆

期自當密速知會兩處令其嚴加堵截再臣正

封摺間適聞截留官兵一千名明日可抵西陽

令暫駐川境不必前來因連日大雨山嶺路滑

夜間難以趨程俟稍開霽卽令該兵等裹帶五

日口糧臣親身督同將弁密速前進並聞臣前

次

奏調之五屯漢兵六百名數日內可先到四百卽

一併留在後路防賊邀截兼護糧運緣山路險
仄縱有多兵難以舒展不如留於後路用資接
濟並可藉壯聲勢再查川東地方與湖北到處
毗連臣前次雖已派委護川東道趙秉淵會同
署夔州府知府嚴士鋹署夔協遊擊愛隆阿在
彼招募新兵嚴密防堵但道路綿長武職大員
祇有愛隆阿一人未免照料難周臣已咨調重

慶鎮袁國璜前往川東昨據川東各州縣稟稱
湖北房縣竹山興山等縣均與各該處接壤請
撥兵防守並據大寧縣稟稱房縣匪犯業已擾
至大寧邊境現在設卡堵禦又據畢沅惠齡知
會歸州賊匪現在破石地方屯聚囑臣一體防
範臣已飛飭夔州文武毋許稍涉張皇不得畧
存大意務須嚴密防堵勿令竄入又查從前平

定金川時曾將該處番人分給各土司部落共
有數百名伊等往往具稟以不得一體徵調出
征爲恥是以上次廓爾喀軍務已有願充土兵
前往者現在除去老弱可得千人臣先已密札
各土司詢問伊等如果情願出師効力卽令土
弁帶領起程伊等素以調派爲體面自必迅速
前來可資得力

同日恒瑞奏言查竹山縣賊匪甚衆山谷中多有竄匿者

臣

當卽帶同文圖及協領富勒杭阿

等分兵三路於十五日申刻前抵縣城附近賊

匪竟敢衝出抗拒施放鎗礮

臣

布列官兵徹夜

剿戰至十六日衝入賊隊賊匪驚亂敗走入城

臣等率兵追襲殺傷賊匪二千餘名乘勢進城

生擒賊匪不下千餘內有賊首武明山翁明元

俱身受重傷當卽誅戮梟示奪得賊礮六尊鳥鎗腰刀器械無算惟竹山縣城內居民數千戶現無官吏安撫查有隨_臣辦理糧務之陝西縣

丞范繼昌人尙明白卽將該員暫留竹山縣辦理公務並令署守備陳兆熊帶兵二百名守城

以安衆心此時竹山縣附近山中尙有賊匪潛

匿_臣率同兵勇竭力搜查後卽前赴房縣協剿

均奏入

上嘉之

二十九日_{乙亥}宜綿奏言據商南縣稟稱十四日

鄖縣化家河與鄖西縣孟家川兩處賊匪共千餘人竄入商南分水嶺地方被守隘兵役鄉勇截殺八十餘人賊始退去又據赴鄖探信兵役稟稱鄖縣鄖西地方多有賊匪出沒無常自數

十人至數百人不等惟兩縣毗連之泥河口有賊匪二千餘人盤踞山頂樹立木寨並有火鎗鐵銃等物鄉勇不敢近前

臣

查泥河口地方距

州屬之山陽縣不及百里將軍恒瑞等俱在漢

江以南勢難兼顧卽百祥僅帶兵五百名亦覺

單弱隨將

臣

所留之兵五百名派委叅將九十

帶領並飭百祥同赴泥河口併力攻剿卽乘勢

將漢江以北賊匪痛加殲洗庶使恒瑞等得在
漢江南岸專力剿捕而商州一帶門戶益堅民
心愈定卽寄居之楚民亦足絕其勾結

臣

現添

調延綏鎮兵一千名催令來商以資策應奏入

上命軍機大臣傳諭恒瑞宜綿永保畢沅惠齡曰昨
據恒瑞奏已將竹山賊匪痛加殲戮收復縣城想
宜綿尙未得知現在漢江以北既有賊衆屯聚該

督當飭令百祥等務將該處盤踞山頂賊匪剿除
淨盡不可見賊畏懼逃竄卽爲完事計此時永保
已趕上恒瑞務須會同將竹山一帶餘賊悉數蕩
平亦不可因賊已敗逃不加跟剿徑赴保康房縣
致令竹山等處遺孽復萌

同日山東巡撫玉德奏言

下接奉

諭旨卽飛札兗州鎮臣富成於該標挑派壯健兵六

百名壽張泰安營兵四百名並揀調曾經出師
之叅遊等官選帶強幹千把總以備分起起程
卽令富成統領前往會同舒亮協力剿捕奏入
報

聞

欽定剿平三省邪匪方畧正編卷六

丙辰年

四月初一日

丙子

上命軍機大臣傳諭孫士毅永保恒瑞畢沅宜綿惠
齡曰恒瑞雖已將竹山賊匪剿散尙有搜拿餘黨
及前往房縣保康等處剿捕賊匪事宜鄖縣鄖西
俱在漢江以北勢難回顧而百祥職分尙小亦恐
呼應不靈宜綿駐劄商州距彼不遠所有鄖縣鄖

西一帶賊匪著責成宜綿督飭百祥等實力剿辦
如有必需該督前往之處卽當就近親赴鄖縣一
帶董率妥辦倘百祥等果能奮勉出力據實奏聞
候朕加恩其自竹谿以至保康一帶賊匪卽責成
永保恒瑞剿辦當陽遠安東湖一帶賊匪責成畢
沅成德阿克棟阿舒亮剿辦枝江宜都一帶賊匪
責成惠齡富志那剿辦襄陽穀城均州光化賊匪

卽交鄂輝同彭之年等辦理來鳳與四川接壤該處一帶賊匪卽責成孫士毅督辦總之賊匪蟻聚蜂屯官兵分投掩捕辦一處必須肅清一處不得因賊匪逃散潛匿卽爲完事以致兵過之後遺孽復萌又復潛出滋擾也

初二日

丁丑

畢沅奏言現在當陽賊匪攬城固守

但得誘令出城失其負隅之勢便可痛加截殺

臣

隨於鄉勇內挑出精細曉事者二百餘人給以重賞仿照賊人號記扮作外應之賊令於夜半潛至城根約賊出城一面先於要隘設伏以待賊因盼望外援急切已欲全數衝出又有狡黠匪徒疑信參半於二十三日夜間分出二三百人縋城而下我兵伏起當卽殲戮無遺現經舒亮親身相度地勢於東北南門分築礮臺二

座卽日可以築成並趕製雲梯數十張俟礮臺
工竣一面轟打城中一面卽用雲梯攀緣直上
此時兵力共有一千五百餘名除駐卡守營外
於粵豫及本省滿漢官兵內挑選精壯奮勇者
八百名爲登陴殺賊之用查陝省續派總兵徐
昭德帶領兵一千名已於三月二十二日抵襄
其兵多曾出師臣已飛調五百名前來協同攻

城其餘五百名計日內鄂輝已到襄陽卽令統領洗剿該處逆匪

臣

察看賊情並盤獲奸細訊

知城內止有半月賊糧又以無鹽食淡甚形惶急數日之內必可殲洗再查房縣介於竹山保康之間被賊圍擾已越兩旬該署縣魏相臣會同營弁悉力固守正在危急之時茲據該縣稟報三月初七日經鄖陽府知府王正常懸賞雇

集鄉勇二千六百餘名有生員王得勝貢生吳
儀樽首事汪一新扮作賊匪潛赴縣城密行呈
驗府諭令衆鄉勇由山後三路衝進賊營該縣
魏相臣與城守千總羅陞帶領兵勇從城內殺
出兩面夾攻出其不意共斃賊八百餘名生擒
夥匪任大貴等五十四名卽行梟示初九日該
縣魏相臣又同竹谿縣外委陳天相教官劉夢

元鍾榮國巡檢丁日隆及生員王得勝等帶同鄉勇出城斃賊六百餘人餘匪退至西鄉南溝附城十里之內已無賊蹤是房縣得鄉勇之力

兩次痛殲遂得解圍

臣

已宣示

恩旨將生員王得勝貢生吳儀樽先行賞給七品頂戴首事汪一新賞給八品頂戴衆鄉勇優加賞賚以示鼓勵又據穀城縣知縣謝士廷稟稱三

月十三日督率紳士韓綬承等捕獲黃土河賊
匪蔡成科等二十四名紳士龔琥等拿獲匪黨
姚經學等十八名紳士李世正等拿獲匪黨游
舉等三名搜出末藥各一包訊係欲投入井泉
毒人當卽將獲犯等一併正法又據興山縣知
縣王恕會集本地鄉兵及房保義勇共五千餘
人於三月初十日齊至縣屬之馬橋口攻破賊

營一處殺賊一千餘名又據襄陽府知府胡齊
嵩稟稱該郡因上游難民紛紛逃避至彼遂於
城西十里之梧桐廟設立卡廠稽查撫卹委其
素信幕友方潮照料三月十七日方潮查出奸
細坐船而下自稱係鄖陽避賊難民中令丁役
知會兵勇上船查看船內之人不容進艙登時
細賊三人餘賊俱持短刀衝出方潮卽令兵勇

上前矛戳六人鎗斃五人擒獲二人後船卽欲
逃走復被鎗擊落水數人生擒二人訊係在房
縣圍城被鄉勇殺散扮作難民沿途佈散謠言
欲搶焚城審明後當卽一併正法

同日惠齡奏言三月二十三日夜間賊匪約有
二千餘人向各營盤搶劫

臣

已先傳各營將弁

如遇賊匪夜來撲卡均當熄滅燈火用攔牌遮

護不許開鎗俟其將近再行施放維時賊匪奔
至卡邊官兵排鎗迎擊立斃二百餘人賊匪恃
衆衝突各營將暗伏地雷燃點轟擊逆匪驚退
盡向內山逃竄我兵隨後追襲又殺死一二百
名其跌落山巖及互相踐踏而死者不可勝計
賊匪退入半山弩石亂下因山高路黑隨即撤
兵回營賊匪經此一番痛剿實足喪其心膽卽

日粵兵齊到分路進攻不難蕩平巢穴至來鳳
縣失陷之後賊人將各要口分投占踞道路梗
塞臣等派委往援之副將樊繼祖阻滯卯崗守
備周言昇帶兵繞至龍山均未能前進頃據利
川縣丞王三錫稟稱於三月十三日夜在來鳳
毛坪地方會同守備陳安信來鳳縣令莊紉蘭
之子莊念謀等督同鄉勇剿殺賊匪百餘人莊

念謀因父屍未得奮恨向前手刃數人尤爲出力並據湖南永順協副將慶溥稟報三月十四五兩日內隨同建昌鎮諸神保在龍山一帶連次殺賊多名賊匪皆逃入來鳳境內並准孫士毅來咨一俟兵力稍集卽移營來鳳境內相機剿辦

臣

隨飛飭施南府法克晉等探明川省進

兵日期卽帶領兵勇迎赴賊巢痛加剿殺並札

知慶溥一體夾攻俾賊三面受敵以期一鼓殄平

同日柯藩奏言

臣

於三月初三日抵湖北接

壤之白河縣將節次派調並現帶之兵共五百

六十餘名分撥各卡隘嚴密防堵其餘竹山接

壤之東西界梁距白河縣一百二十里最關緊

要

臣

前已安兵防守十一日有白河貢生黃存

謨等稟報吉陽關有賊匪焚搶

臣

於十二日率

領署撫標遊擊張彪帶兵往查該處原有匪徒

一聞官兵到來盡皆竄入竹山

臣

飭令弁兵嚴

加堵禦十四日途次小河口據武生裴秀枚稟

報白河連界大坪漫營地方聚有賊匪肆行劫

掠當飭署遊擊張彪等帶兵八十名由左家坪

前往堵截

臣

帶兵七十名由紅樹溝繞至賊匪

前面奮力攻剿殺賊四百餘名又生擒三十三

名餘匪盡行入林逃散查漫營地方俱係深山

箐林恐有逃匪潛匿臣又在各卡內抽撥兵一

百名復派遊擊王清弼張彪在該處搜捕又拿

獲逃匪十餘名現在可期淨盡今接撫臣秦承

恩來信竹山縣城已於十六日克復是賊匪已

被官兵攻散勢必四路逃竄所有白河與竹山

連界地方更須嚴密堵拿臣卽親身前往界梁

等處督率官兵並嚴飭各卡隘弁兵晝夜截拿
毋稍疎懈均奏入

上命軍機大臣傳諭孫士毅恒瑞畢沅惠齡曰前據
惠齡奏飛咨截留廣東兵丁至軍營應用此時粵
兵自己早到何不鼓其銳氣直搗賊巢畢沅旣設
計誘賊自應俟賊全數出城再行帶兵截殺庶可
一鼓殲擒乃賊匪縋城而下者僅二三百人官兵

遽加殲戮以致餘匪畏懼不出仍屬拙計舒亮前
在襄陽尙可支持一經畢沅調至當陽亦不過趕
製雲梯及築礮臺並未能將城內賊匪全行掃蕩
恒瑞文圖帶領陝省兵丁先後馳抵竹山卽將該
二縣賊匪痛加剿殺收復縣城畢沅惠齡以本省
督撫帶兵剿辦枝江當陽之賊轉無一能坐耽時
日寧不自愧豈臨機應變一一待朕遙爲指示耶

至房縣知縣魏相臣與千總羅陞等帶同鄉勇出城殺賊追逐十餘里遂得解圍實爲逾常出力魏相臣著卽超擢知府羅陞陳天相劉夢元鍾榮國丁日隆並著該督撫存記遇有應陞缺出陞用生員王得勝貢生吳犧樽俱賞給六品頂戴汪一新賞給七品頂戴其餘打仗出力之鄉勇遵照前旨酌賞鹽菜口糧以示鼓勵來鳳縣知縣莊初蘭之

子莊念謀因父被賊戕害隨同官兵鄉勇人等奮
恨向前手刃殺賊亦屬可嘉著先賞給七品頂戴
俟賊匪平定伊服闋後再遵前旨送部引見又穀
城縣知縣謝士廷興山縣知縣王恕督率紳士等
殲斃多賊襄陽府幕友方潮在卡稽查拿獲奸細
均屬留心出力除謝士廷前已有旨陞用外王恕
亦著該督撫存記遇有應陞缺出陞用幕友方潮

並著賞給八品頂戴如果始終出力事竣後送部
引見韓綬承襲琥李世正亦著一體賞給八品頂
戴至柯藩奏帶兵七十名並派遊擊張彪等帶兵
八十名在漫營地方兩路夾擊殺賊四百餘名生
擒數十名所奏殊不足信柯藩與張彪僅帶兵一
百餘名即使賊衆束手受縛以一兵殺二賊亦不
能有殺斃四百餘名生擒數十名之多緣營陋習

往往虛張聲勢稍有斬獲以少報多卽如湖北賊
匪節據畢沅奏報前後積算斬馘者竟有數萬何
以賊匪愈殺愈多卽此可見其虛飾著傳諭該督
撫提鎮等嗣後於打仗殺賊時務須據實奏報並
轉飭各員弁一體遵照毋得似此貪功妄報以歸
核實至房縣近城賊匪業經剿散分竄西鄉南溝
等處恒瑞於收復竹山後著卽帶兵赴彼剿辦

初四日已卯恒瑞承保奏言臣恒瑞於三月十八

日與臣承保會合商議一面收復竹山縣城安

撫百姓一面搜捕山谷藏匿賊黨再聞房縣亦

被賊圍日久查由竹山前赴當陽房縣乃必經

之路若不速行剿除賊孽勢不能直達當陽東

湖等處是以臣等與署總兵文圖於二十日分

路帶兵前至房縣察看情形賊衆聞官兵到來

不敢抵禦臣等督率知縣魏相臣已將村民安

撫寧帖又聞保康縣城現已被賊佔據保康亦

係前赴當陽要路卽於二十三日帶兵星馳保

康以圖速行收復取路馳赴當陽再竹山縣收

復後傳聞知縣守備皆赴鄖陽臣等現在進兵

無暇查辦已咨行宜綿就近查奏至該縣現在

無人理事臣恒瑞前經

奏明委隨帶辦事之陝西署安康縣縣丞范繼昌
暫行代理此時湖北路徑不通畢沅惠齡處勢
不能委員前來范繼昌自委辦之後收卹流亡
緝拿餘匪井井有條竹山卽係臣等進兵後路
甚關緊要可否仰懇

皇上天恩卽以范繼昌補授竹山縣知縣以專責成

恭候

訓示奏入

上從之

同日孫士毅奏言查來鳳一處賊匪竟敢於川
省西陽湖南龍山及湖北來鳳咸豐二縣地方
到處蹂躪尤爲亂賊渠魁必須及早剿除方可
使各處匪徒聞風膽落臣於三月十七日由湖
北卯峯密回川境十八日帶兵前進計十九日

五鼓可抵小坳賊巢即使賊匪已有整備亦必
鼓勵士卒直前攻撲冀得掃穴殲渠奏入

上命軍機大臣傳諭孫士毅恒瑞畢沅宜綿永保惠
齡曰恒瑞自攻剿竹山賊匪後復將房縣屯聚之
賊大加剿殺卽同永保文圖分路帶兵搜捕餘賊
淨盡前赴保康悉力剿除所辦尙好保康賊匪一
經廓清後卽可前赴當陽與畢沅會合孫士毅帶

兵由川省繞道密赴小坳出賊不意定可得手該處賊巢一破則來鳳咸豐及酉陽龍山等處之賊均可肅清其鄖陽一帶已令宜綿前赴該處督同百祥等實力剿捕荊襄等處又有舒亮鄂輝在彼堵剿是該省地方各路俱有大兵會剿無難迅速戡事再前據畢沅等奏竹山縣被賊殘破該縣劉大成守備孫掄魁典史吳國華俱已被賊捐軀今

恒瑞到彼復有知縣守備避往鄖陽之語不可不
查訪明確前已有旨令宜綿帶兵由商州親赴鄖
縣一帶剿捕卽著該督就近查明據實具奏

初五日

庚辰

秦承恩奏言湖北鄖陽府屬竹谿竹

山等縣賊匪滋事與陝西興安府屬境壤毗連
居民因事起倉卒頗涉驚惶且盤獲匪徒竟有
各處遣人暗相煽誘之事必當設法解散

臣隨

密飭文圖將擒獲竹谿逆匪內酌解數人前來
又令地方官拘獲誤習邪教愚民數人送至府
城臣於訊供後卽將各犯細綁親身押赴法場

將從賊者分別凌遲梟首其習邪教者宣布
皇仁責令改過自新當場釋放觀者如堵無不同聲

感服因一面出示曉諭人心大安並會同督臣
宜綿傳諭與商各屬紳耆士庶團集鄉勇互相

糾察如遇楚省匪徒竄入滋擾一處有警公同
截殺旬日之內各集鄉勇數千人頗爲踴躍

臣

初到興安時平利安康最爲緊要今克復竹山
後遺孽四散逃竄又以白河洵陽爲最要經提
臣柯藩帶同護漢興道文需遊擊鍾岳都司張
彪暨各地方官嚴密堵禦計各屬陸續報到匪
徒竄入境內及連界地方被兵役鄉勇殺死者

共有數千人

臣

於紳耆士庶中擇其最出力者

或賞頂戴或給銀牌陣亡者倍予恤葬受傷者
加意調治鄉民仰沐

皇恩俱各歡欣鼓舞甚爲得力至督臣宜綿駐劄商
州因鄖縣鄖西地方亦有匪徒滋擾遣兵往援
並親赴商南策應署布政使姚學瑛在省料理
各起兵丁軍裝器械糧餉火藥等事先遣匠役

將南山小道開通雇覓長騾數千頭源源運送將軍恒瑞等收復竹山後已往房縣保康進剿糧餉軍火最爲緊要臣已先派督糧道孫藩等

安設糧臺接應大軍後路並沿途設立健夫馬匹馳遞文報均已次第辦妥無虞遲誤又委員分赴各屬在於四鄉就地設廠撫恤難民俱已得所現在地方甚爲寧謐奏入報

聞

初六日

辛巳

景安奏言

臣

聞鄂輝到襄會同烏什

哈達巴里坤總兵徐昭德於二十五日進兵剿

殺賊匪潰散是日鄂輝等卽收兵回營

臣

滿擬

次日分兵追剿卽可掃除餘孽詎數日以來並

無打仗信息經

臣

差弁分投探知湖北峪山賊

匪尙在張家集孟家集等處屯聚而襄陽所屬

之呂堰驛附近地方有匪徒滋事劫掠村莊旋
據新野縣稟報湖北首站呂堰驛被賊焚燒阻
斷文報

臣

實深駭異查峪山餘孽未靖呂堰驛

又復蔓延襄郡現有兵力不爲不厚且有大員
統率斷無擁兵停剿之理其中或有他故現在
消息不通無從懸揣其張家集孟家集一帶與
豫省唐縣之倉臺桐柏縣之湖河鎮等處路徑

相通呂堰驛與新野縣之水臺新店鋪逼近在
在均關緊要臣將分撥新野防禦兵三百名又
撥調滿營四百兵內先到之二百名飭令署南
陽鎮撥明帶領分赴各要隘處所扎營堵截不
使匪徒窺伺邊界臣現駐新野相度形勢調度
守禦並令臬司陳文緯督同南陽府知府完顏
岱就近另擇便捷徑路安設臺站馳遞軍報

同日鄂輝烏什哈達奏言近日賊匪盡聚在襄陽地方皆係保康竹山房縣等處剿散逃來又有本處邪教合夥滋擾

臣

等正欲帶兵往捕又

據呂堰驛地方官報稱該處現被賊匪肆行焚

掠

臣

等立即帶兵四百名前往呂堰驛剿賊冀

得速行殲戮以靖地方但襄陽與河南交界處所賊匪屯聚甚衆在在均關緊要此處所存官

兵實不敷用伏祈

皇上天恩賞給巴圖魯侍衛一百員帶領滿兵一二
千名前來協剿以資得力均奏入

上命軍機大臣傳諭恒瑞永保景安曰景安奏探聞
湖北峪山賊匪尙在張家集等處屯聚而呂堰驛
又被賊匪焚燒文報阻隔又鄂輝等請發巴圖魯
侍衛京兵看來鄂輝究屬歷練未深不免稍涉張

皇竹山房縣等處賊匪乃恒瑞永保疊次剿殺後
竄入襄陽一帶者非另起之生賊也此時雖應添
兵堵剿但簡發京兵亦屬緩不濟急已諭知梁肯
堂卽於附近河南之正定順德廣平磁州各營挑
選兵丁二千先派將弁帶領起程並命直隸提督
慶成卽日由古北口馳赴南陽一帶統領進剿所
有派往巴圖魯待衛二十員於經過南陽時並著

景安酌量情形若該處無須帶兵人員卽全令赴
恒瑞承保鄂輝等處聽候調遣若南陽需人帶兵
景安卽酌留數員在彼帶領協剿亦可恒瑞承保
現在保康務須將該處蟻聚賊匪跟蹤搜捕不可
祇將賊匪剿散卽爲已功又令逃賊乘間竄逸以
隣國爲壑至驛路文報關係緊要著景安速設臺
站以期馳遞無誤一俟襄陽驛路疏通卽應仍歸

呂堰驛正站免致繞道稽延

正又命軍機大臣傳諭梁肯堂慶成曰湖北竹山房
縣保康一帶賊匪經恒瑞永保疊加剿殺竄入襄
陽輒敢焚燒驛地以致文報阻隔亟應調兵堵剿
已簡發巴圖魯侍衛二十員前往帶兵著梁肯堂
卽於附近河南之正定順德廣平磁州各營分挑
選壯健兵丁二千名星速起程前赴南陽襄陽一

帶著派提督慶成統領進剿至正定地方亦關緊要是以此次派往兵丁不合該鎮明泰帶領該鎮在彼當不露聲色妥爲彈壓以期地方寧謐

初七日

壬午

景安奏言據署有南陽鎮揆明稟稱該

鎮正在新店鋪堵緝適遇鄂輝自襄陽帶兵前

來已將呂堰驛路疏通

臣

思呂堰驛雖已剿

通居民一時未能復業恐官兵去後賊匪復來

且有孟家集雙溝瓦子崗一帶匪徒四起漸逼豫省鄧州新野唐縣交界連日擒獲奸細數名

據供前來探聽豫省虛實

臣

將所調之兵分布

各安隘並安設墩位以脩轟擊惟要隘旣多兵分勢單現募鄉勇以助聲勢並飛催兗州鎮兵星夜兼程前來堵剿先將豫楚交界逆匪廓清自北向南痛加剿洗不使稍留餘孽以淨根株

同日孫士毅奏言

臣

於三月十八日帶兵起程

約行八九十里探問距小坳山背尙有八九十里由左側小路而進約不過二十里地名一碗水賊人在彼屯聚把守從一碗水進口攀援而上約有十里地名坐仙坪卽係小坳東面山梁現直黑夜大雨守隘賊匪斷不隄防遂于二鼓時冒雨前進約交五鼓到一碗水賊人毫無聲

息將弁兵丁一齊扒越上前

臣

令官兵一半圍

殺賊匪一半搶上坐仙坪賊匪於大雨中驚覺

亂竄經我兵密圍痛砍無一脫出計殺死約二

百餘人其搶上坐仙坪之官兵到山梁時天氣

微明賊已知覺膽肆抗拒我兵後半又到山梁

鎗箭齊發殲斃甚多

臣

望見小切內賊匪蟻聚

蜂屯何止數萬若一直衝下恐爲所畏又萬無

撤退之理遂與叅將何元卿商議賊人全力在
此堵禦看來難以壓下惟有從他處兩路進攻
以分其勢計後路防守兵丁尙有數百名可以
應急令何元卿率同弁兵緊守東面山梁臣卽
帶領二十人於十九日酉刻趕回苗容將各處
防守兵丁連夜飛調六百名親自督同都司馬
瑞圖等於二十日申刻抵小坳南面山梁賊人

不虞我兵從此路猝至雖有逆匪千人不能抵禦經馬瑞圖等悉力痛剿殺死三四百人遂紮住山梁其時何元卿望見賊匪後隊忽紛紛擾動知臣所帶之兵已到遂從山梁一直壓下賊

匪前後受敵一時慌亂何元卿等大呼殺入賊

叢痛加剿戮直至小坳與臣會合聲勢愈大賊

匪愈亂遂從小坳竄入獅子坪山中藏匿經何

元卿等帶兵扒越嶺谷窮追剿殺守備倪占鰲

擒殺賊首被匪衆追及陣亡又土千總庵初亦

因越嶺追賊中鎗陣亡

臣

見叅將何元卿守備

馬建紀余應伸千總蘇榮煥俱已帶傷遂停止

不行窮追

臣

察看賊屍填滿山谷至少亦有一

二千人

臣

現尙帶兵駐劄小坳容察看賊情再

行酌辦奏入

上命軍機大臣傳諭孫士毅恒瑞永保景安曰呂堰
驛賊匪雖經鄂輝剿散但襄陽一路賊匪尙多往
來無定所有驛遞文報自應仍由信陽一路接遞
以期穩妥俟呂堰驛一帶賊匪剿除淨盡再行照
常馳遞此時不必過於欲速轉致踈虞也至襄陽
爲南北衝途關係緊要現調直隸兵丁未能卽到
鄂輝職分較小亦恐呼應不靈若不派大員在彼

統率於剿捕不能得力恒瑞永保接奉此旨如已
將保康賊匪剿淨前抵襄陽固屬甚善設尙未剿
盡不能卽抵襄陽卽著恒瑞帶領滿漢兵丁將保
康附近各處賊匪實力搜剿永保卽輕騎滅從迅
赴襄陽調度策應至來鳳賊匪在小坳地方負險
屯聚孫士毅由間道進攻帶兵甚少較賊匪尙不
足十分之一難以直衝下壓因分路進攻出賊不

意得以殲斃多賊所謂知進知退深合用兵之道
但小劫賊匪雖經孫士毅痛加剿殺而來鳳僻在
施南府屬之南畢沅惠齡兩路方自顧之不暇焉
能望其回兵赴彼若任賊匪屯踞恐至日久蔓延
此一路竟交孫士毅帶領兵丁由川省一路徑趨
來鳳將該處屯聚賊匪速行撲滅再自南而北會
合進攻方成破竹之勢著酌量情形於附近三雜

谷等處土兵內再行酌調數百名或於駐防綠營
內再抽調千餘名帶領進剿自更得力其陣亡守
備倪占鰲著咨部照遊擊例議卹其子服滿著送
部引見土千總曉初追賊陣亡著咨部加一等照
土守備例議卹

上諭內閣曰來鳳賊匪屯集小坳地方經孫士毅督
率將弁由間道進攻冒雨直前將賊巢悉行焚燒

殲賊甚衆在事將弁人人奮勇爭先實堪嘉獎孫
士毅本有一等輕車都尉世職著加恩晉爲三等
男爵用示優眷所有打仗出力之叅將何元卿著
加恩先賞給副將頂戴遇缺卽補都司何天標守
備馬建紀涂應仲俱著賞戴花翎千總蘇榮煥卽
著陞補松潘左營守備並著賞戴花翎千總馬成
林著先行賞給守備銜遇缺卽補以示獎勵